

广东通志

广东通志

廣東通志卷二百九十九

列傳三十二 廉州

丁茂

尹牙

姚文式

以上漢

李祖仁

三國吳

甯猛力

隋

甯純

甯原梯

姜公輔

以上唐

李元芳

王康臣

黃叔達

子煥

黃沆

陳治安

以上宋

劉孔仁

梁里許

黃環

陳善佐

吳公悅

周英

包志道

韓珠

沈福

朱惠

李昂

石孟全

楊冠

裴衷

檀昭

鄭謨

包義民

林榮

湛鉞

裴垣稟

錢象乾

翁爵

章獻中

莫如勤

耿寬

鍾振

李國華

石維海

王朝輅

邵新

梁夢鼎

柳稠

孫佐性

唐鯉

梁夢日

施敦

梁調元

孫應勛

以上明

戎士祥

馮敏昌

容廣賢

傅君召

鄭國基等

章憲

王瑞鳳

蘇秀邦

以上

國朝

漢

丁茂字仲慮合浦人少孤貧性至孝事母服勤色

養得其歡心母終負土治墳手足皸裂列植松柏
成行白鹿遊乎左右馴擾不去交趾郡邑競傳以
爲孝感太守察孝廉終身衰經不就吏民皆敬重
之時蒼梧丁密

廣州先賢傳云字靖公

亦以孝行顯聞世謂

丁氏多巨孝云

太平御覽引交廣記

尹牙字猛德合浦人

太平御覽引廣州先賢傳

爲郡主簿

太平御覽

引交廣記

太守南陽終寵

先賢傳

到官三年不笑

交廣記

憂

見顏色常用怪焉牙造膝伏見明府四節悲歎有

慘悴之思者何也寵曰父爲張周所害重仇未報

是以長愧也牙乃傭僕自貶吏役

先賢傳

乃辭至洛

爲太尉

先賢傳作校尉

養馬

交廣記

伺其間隙出八三年乃

先醉左右近侍以夜解縱諸馬令之亂駭張果出

問其故手刃張首而還

先賢傳

事聞天子奇其才赦

不問

黃志

謹案黃佐云後漢書太尉有河南張延無

被殺事今本御覽作張周豈佐所見本異

耶

姚文式合浦人雅好誦讀博通今古建安中舉茂
才仕爲交州治中時步騭爲刺史初到南海覽土
地形勢嘆曰斯誠海島膏腴之地宜爲都也乃問
尉陀舊治處人莫能知唯文式答曰南海郡昔治
在今州城中與番禺縣連接今入城東南偏有水

坑陵城倚其上聞此縣人民謂之番山縣名番禺
儻謂番山之禺也漢書所謂浮牂牁下離津同會
番禺蓋乘斯水西入越也秦并天下略定揚越開
南海以謫徙民至二世時南海尉任囂聞陳勝作
亂召龍川令趙陀告以大謀囂卒陀行南海尉事
乃拒關門設守番禺其所都也後歸漢築朝臺在
州城東北三十里則陀宮近是矣隲登望得其處
遂立城郭以建州治紱和百粵遂用安集文式之
功也

黃志

謹案水經注浪水篇云交州治中合浦姚
文式問云何以名為番禺答曰南海郡云

云又云交州治中姚文式問答云朝臺云
云是文式問不知何人答也黃志及百越
先賢志皆云步騭問文式答不知所本黃
志又有張重傳云出范泰古今善言水經
注考水經注引范泰古今善言曰日南張
重舉計入洛不曰合浦人且後漢日南郡
今之越南國與粵東無涉刪而不錄云

三國吳

李祖仁合浦人世爲郡望族兄弟十人同居郡北
江上事親理家並皆慈孝廉讓吳孫權神鳳初交
州上其事詔賜爵三級郡人因名江曰慈廉云

同上

隋

甯猛力烏武獠地多瘴毒中者不能飲藥故自鑿齒有甯氏世爲南平渠帥陳末以其帥猛力爲甯越太守陳亡自以爲與陳叔保同日而生當代爲天子乃不入朝隋兵阻瘴不能進猛力死子長真襲刺史及討林邑長真出兵攻其後又悉部落數千從征遼東煬帝召爲鴻臚卿授安撫大使遣還又以其族人甯宣爲合浦太守隋亂皆以地附蕭銑長真部越兵攻邱和於交趾者也武德初以甯越鬱林之地降自是交愛數州始通高祖授長真欽州都督甯宣亦遣使請降未報而卒以其子純

爲廉州刺史族人道明爲南越州刺史六年長真
獻大珠昆州刺史沈遜融州刺史歐陽世普象州
刺史秦元覽亦獻筒布高祖以道遠勞人皆不受
道明與高州首領馮宣談殿據南越州反攻姜州
甯純以兵援之八年長真陷封山縣昌州刺史龐
孝恭倚擊暄等走之明年道明爲州人所殺未幾
長真死子據襲刺史馮暄談殿阻兵相掠羣臣請
擊之太宗不許遣員外散騎常侍韋叔諧員外散
騎侍郎李公淹持節宣諭暄等與溪洞首領皆降

南方遂定

新舊唐書合
抄南蠻傳

唐

甯純字如和廉州欽江人

今靈山縣

南海以西溪洞自

漢晉來甯族最大世爲俚帥蠻獠皆歸之純少警

敏通章句頗善書父宣甚愛之伯父猛力陳禎明

時爲安州刺史役服不賓輸貢于陳令宣治大廉

洞而自居欽江隋高祖平陳遣員外散騎侍郎何

稠往嶺表撫交趾因諭猛力入朝會猛力病劇臨

終許稠遣子長真入侍其後長真歸隋拜鴻臚卿

而畱宣爲合浦太守純隨父往來廣循嘗至羅浮

及歸見安京山嘆曰此卽羅浮形勢也因大書易

山名爲羅浮山上有石後有如和題者是也長真

兵強兼并鬱林數郡隋末梁主蕭銑畧地至番禺

長真歸附時交趾太守邱和撫綏荒憬甚得夷情
林邑諸國遺和明珠文犀金寶其富埒於王者獨
不附銑銑聞利之命長真以南粵蠻俚攻和和懼
欲出迎長真其所署司法書佐高士廉曰彼兵遠
來勢不得久乃逆擊破之長真敗歸尙欲再舉宣
諫止之會銑爲唐所滅唐高祖武德初長真與宣
皆以地降詔授長真爲欽州都督宣卒以純爲廉
州刺史純善撫衆招徠蔡龍峒民闢其四境請立
爲縣已而徙刺合州族子道明刺南越州爲高州
守領馮暄所陷純兵擊退唐太宗貞觀初長真與
暄皆卒而暄弟盎反叛屢欲攻純純閉境自守唐

遣中庶子張元素鎮撫至廉見純謹厚有禮教其子弟讀書蠻俗向化甚稱獎之後卒于官

黃志

甯原悌欽江人刺史純從孫也純能以詩書禮義教其族人原悌少好學武后永昌元年舉進士以賢良策試于廷時對策者千人詔吏部尚書李景諶糊名較覆以張說爲首后覽對置說乙科而擢張柬之第一原悌第九原悌出荒服得上第朝野咸歎異之授祕書省校書郎累官至諫議大夫睿宗景雲二年上以二女西城隆昌公主爲女冠以資天皇后冥福原悌上言以爲先朝悖逆庶人以愛女嬌盈而及禍新都宜城以庶孽抑損而獲

全又釋道二家皆以清淨爲本不當廣營寺觀勞
民費財梁武帝致敗於前先帝取災於後殷鑒不
遠今二公主入道將爲之置觀不宜過爲崇麗取
謗四方又先朝所狎諸僧尙在左右宜加屏斥上
覽而善之原悌元宗朝復以諫議兼修國史一日
元宗取所修國史閱之見直書隱巢事諭曰白馬
求卿黃金贖罪卿以爲何如原悌扣首曰周公誅
管蔡季友鳩叔牙雖太宗不得已之誅亦隱巢有
以自取爾由是忤旨去官卒葬於大帽山諸志作大墓山
詔發五府兵以給葬事立祠於上蒙村今靈山縣
西有原悌讀書處石室兩石人夾侍又祠在欽州

州北曰諫議廟云

黃志

宋之間宋公宅有送甯諫議詩曰宋公爰創宅
庾氏更誅茅間出人三秀平臨海四郊漢臣來
絳節荆牧動金饒樽溢宜城酒笙裁曲沃匏露
荷秋變節風柳夕鳴梢一散陽臺雨方隨越鳥

巢

定全唐詩

欽甯原悌睿宗朝官太子洗馬先天

元年由諫議大夫爲嶺南道宣勞使上太子啟
臣聞事有可言者直臣所以抗議忠而見棄者
志士所以太息至於竭誠事君信而獲罪懷祿
輔國諂於取容二者難明取舍或異臣竊爲朝
廷憂之伏惟殿下孝敬純深仁明善斷有大功

於天下繼元良於社稷萬姓所以拭目百察所以清耳皆欲王化之興隆風俗之革易也頃年以來天綱少紊小人趨競內難屢起方當振綱張弦之秋委才任士之日若推心得人則萬目直舉如託寄非所則百度斯廢故王者先擇良臣復能任使均明同日月無私並天地功高化洽地平天成又以為官擇人者理為人擇官者亂理亂之繇官人之職也自二月以來勅令授官吏部注擬填塞府寺滿盈臺省其優勞當作別勅放選或虛名邀功或作才僥倖日以增益布列州縣殫竭府庫侵削黎元臣誠以為漸不